

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

**ODLUKA O STAVLJANJU VAN SNAGE ODLUKE O STAVLJANJU VAN
SNAGE ODLUKE O IZMJENAMA I DOPUNAMA ODLUKE O
PRISTUPANJU IZRADI REGULACIONOG PLANA “CENTAR NOVO
SARAJEVO”
(Prijedlog)**

Predlagač: Klub vijećnica_ka Naše stranke

Sarajevo, 30.10.2024.

Na osnovu člana 18. stav (1). tačka d) odnosno člana 31. stav (1) tačka b) Statuta Grada Sarajeva („Službene novine Kantona Sarajevo“ broj: 7/23), Gradsko vijeće Grada Sarajeva na __. sjednici održanoj dana __. __2024. godine donijelo je

(Prijedlog)

Odluku
o stavljanju van snage Odluke o stavljanju van snage Odluke o izmjenama i dopunama Odluke o pristupanju izradi regulacionog plana “CENTAR NOVO SARAJEVO”

Član 1.

Stavlja se van snage Odluka o stavljanju van snage Odluke o izmjenama i dopunama Odluke o pristupanju izradi regulacionog plana “CENTAR NOVO SARAJEVO” („Službene novine Kantona Sarajevo“, broj 43/24).

Član 2.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,

O B R A Z L O Ž E N J E

PRAVNI OSNOV

Pravni osnov za donošenje odluke sadržan je u članovima 18. stav (1), tačka d) i 31. stav (1) tačka b) Statuta Grada Sarajeva („Službene novine Kantona Sarajevo“ broj: 7/23), kojim je propisano da je u vlastitoj nadležnosti Grada Sarajeva utvrđivanje i provođenje politike planiranja i uređenja prostora i zaštite okoliša na teritoriji Grada Sarajeva i rješavanje u upravnom postupku u oblasti građenja, u skladu sa zakonom; odnosno da Gradsko vijeće donosi odluke, druge propise i opće akte.

RAZLOZI DONOŠENJA

Na dnevnom redu 44. sjednica Gradskog vijeća Grada Sarajeva po hitnom postupku našao se Prijedlog Odluke o stavljanju van snage Odluke o izmjenama i dopunama Odluke o pristupanju izradi Regulacionog plana “Centar Novo Sarajevo”.

Na osnovu uvodnog izlaganja predlagača, gradonačelnice Grada Sarajeva, većina vijećnika i vijećnica je shvatila da se radi o protokolarnoj odluci, koja je isključivo posljedica stavljanja van snage Zaključka Skupštine Kantona Sarajevo broj: 01-04-3436-6/20 od 25.02.2020. godine.

Također, u pisanom obrazloženju hitnog postupka jasno stoji da bi donošenje akta u redovnom postupku dovelo do nepotrebnog odugovlačenja u odlučivanju o ovom pitanju, a prevashodno cijeneći značaj i sadržinu predložene Odluke.

Smatramo da, cijeneći značaj i sadržinu predložene Odluke, istu Gradsko vijeće Grada Sarajeva treba staviti van snage i o njoj raspravljati i odlučivati kroz redovni postupak.

Posljedice brzopleto donesene odluke mogu biti dalekosežne, a dio odgovornosti za brzopletost na 44. redovnoj sjednici preuzima i predlagač ove odluke.